

Choral vom elände Läbe

Jacob Stickelberger

A Fism Hm E A Fism Hm7 E7
 Sin - gen euch jitz dä Cho - ral vo mym hunds - e - län - de Lä - be
 9 A Fis Fis7 Hm E A Fism H7 E E7
 wo be - steit us Leid und Qual a - ber i trä - ges gott - er - gö - be
 17 Cis7 Fis Gis Cis7 Fis Fism Hm E7
 by - spils - wys wärs änd - lech Sum - mer schön und warm hin - gö - ge bald
 25 A D E7 A Fism Hm7 E E7 A
 chunnt dr Herbscht und na - chär dum - mer - wys dr Win - ter gly isch es chalt

Choral vom elände Läbe

Februar 2001

1. Singen euch jitz dä Choral
vo mym hundselände Läbe
wo besteit us Leid und Qual
aber i träges gottergäbe

byschpilswys wärs ändlech Summer
schön und warm – hingäge bald
chunnt dr Herbscht und nachär dummer-
wys dr Winter – gly isch es chalt
2. I wett wüsse: bini gsund?
frage drum was Dökter meine
druf 'berchumi der Befund:
i sygi gsund wie nid schnäll eine

bim Gedanke aber das i
Gsuntheit ou verliere cha
wirdi chrank so das i quasi
sofort mues zum Dokter ga
3. Wone i mym schöne Hus
trotzdäm bin i sonen arme
Ma - i haltes fasch nüm us
ha mit mir sälber so Verbarne

Hus und Gält und mys Vermöge
chönnte mir ja morn scho näh
irgend paar gemeini Chöge -
s'wott mer fasch gar öppis gäh
4. Wenn mir ou di schönschti Frou
seit si tät mi ewig liebe
mynetwäge – aber ou
tuet mi di Frou ersch rächt betrüebe

denn si chönnti vilicht welle
plötzlech mit men andre ga
s'git drum hufen übli Gselle
won e schöni Frou wei ha
5. Ja so ändet dä Choral
vo mym tägliche Verdärbe -
überhaupt ischs nid normal
das sogar i mal sötti stärke

was i ha das drückt mi z'Bode
was i tue bringt Müeh und Not
tue mi besser nüm verrode -
bi im Grund gno lengscht scho tot